

NetSam ođđasat

NetSam— sámi oahpahusa fierpmádaga ođasreive

2/2014 Skabmamánnu

Vuosttaš deaivvadeapmi

Várre áiggi guovttebeaivásaš deaivvadeapmái juovlamánu 4. ja 5. beaivvi 2014.

Fierpmádat fállá miellahtuide retorihkka kurssa ja seminára mas beassat ságastallat sámi oahpahusa rámmaid ja organiserema birra, ja movt mii sáhttit ohppiid movttiidahttit sámegeielfága vuoruhit.

”li oahppa

boađe

vuordimiin”

- Qvigstad

Searvva miellagiddevaš deaivvadeapmái!



Dán reivves:

- Ođđasat stivrras
- Kurssa birra
- Seminára birra
- Máhttodepartemeantta vástáduš
- Manne šaddat miellahtun?

Ovttá guvlui jođus—nu mii ovddidit sámi oahpahusa



NetSam stivra: Inger Anne Gaup, Ester K. Johnsen, Jan Ole Hermansen, Unni Amundsen ja Mona Fjellheim

Ođđasat fierpmádaga stivrras

Sámi oahpahusa fierpmádat lea dál doaimman badjelaš jagi. Dan jagi leat geahččalan boahit johtui fierpmádaga bargguin.

Dássáži leat mis leamaš guhtta stivračoahkkima dán jagi, okta gos deaivvadeimmet Bådåddjos ja eará čoahkkimat ges interneahtha bokte. Deaivvadeami plánemii lea olu áigi mannan.

Fierpmádat lei nugo ovddit ođasreivves čáliimet, ohcan lassiruhtadeami Sámedikkis fylkasuohkaniin ja fylkkamánniin.

Eat leat ožžon lasi ruhtadoarjaga ja nu eat leat beassan eanet doaimmaid plánat.

Vaikko eanet doarjagii livččii dárbu, de leat goit ilus go Sámediggeráđđi evttoha doalahit fierpmádahkii boahite jahkái seamma doarjjasupmi go dán jagi, namalassii 300 000 ruvnno.

Ođđa namma

Mis lei nammagilvu mannan dálvvi, dasa bohte 23 namma-evttohusa.

NetSam šattai ođđa namma, ja dán nama lea Ande Trosten evttohan. Son fiškali de lohkanbrehta vuoitun.

Lei váttis mearridit nama, go ledje mánga beali maid galggai vuhtii váldit .

Váldogáibádus lei ahte namma galgá doaimmat buot golmma sámegillii mat mis leat fierpmádagas ja ahte lea álkes namma.

Min mielas orru NetSam namma heiveme vuohkkasit.

Ođđa neahttasiidu

Ođđa neahttasiidu čujuhus lea www.netsam.org

Neahttasiiddus leat dieđut nugo stivralahtuid ja deaivvadeami birra, jahkeplána, njuolggadusat ja movt sáhtát šaddat miellahttun. Doppe galget fierpmádaga ođđaseamos ođđasat.

Áiggi vuollái lea maid jurdda ráhkadit siiddu masa dušše miellahtut besset, gos sáhttit ovdamearkka dihte digaštallat.

NetSam

Sámi oahpahusa fierpmádat – Sámegeiáhpadasá værmádahka – Viermievierthke saemienfierihtæmman – Netverk for samiskopplæring



NetSam neahttasiidu

Máhttodepartemeantta vástáduš min kursasávaldagaide

Nugo čáliimet vuosttaš ođasreivves, de sáddiimet reivve earret eará Máhttodepartementii.

Reivves gáibideimmet earret eará eanet kurssaid ja gelbbolašvuodáloktema sámi oahpaheddjiide ođastuvvon oahppoplánaid vuodul.

Sin vástáduš lei ahte "*Kompetanse for kvalitet*" prográmmas leat geahččalan fállat joatkkaoahpuid sámi oahpaheddjiide, muhto eai lean oasseváldit kurssaide.

Sáhttet mánnga siva manne ledje unnán ohccit, okta goit sáhttá leat ahte kurssat eai leat áigeguovdilát sámi oahpaheddjiide. Ráđđehusas lea ođđa ángiruššan oahpaheddjiid ektui, maid leat gohčodan "*Lærerløftet*". Dan bokte áigot sii fállát eanet joatkkaoahpuid oahpaheddjiide. Danne lea dehálaš ahte mii fierpmádaga bokte ovddidit min dárbbuid bajit dásiide ja kursafáluheddjiide, vai bohtet dakkár fálladagat maid mii dárbbášit.



Sámi lohanguovddáža rahpamis 2010s.
Govva: Sámi lohanguovddáš

“ *li oahppa
deatte* ”

- Qvigstad

Vuosttaš deaivvadeapmi miellahtuide

Ovttas Sámi lohanguovddážiin lágideapmi ja bovdet fierpmádaga miellahtuid Diehtosiidii Guovdageidnui juovlamánu 4. ja 5. beaivvi 2014.

Kursa

Vuosttaš beaivvi fálo retorihkkakursa oahpaheddjiide. Dán leat miellahtut sávvan go retorihkka lea ođđa fáddá ođastuvvon oahppoplánain.

Seminára

Semináras juovlamánu 5. beaivvi leat váldofáttát *sámegielloahpahusa organiseren ja movt loktet sámegielfágii árvvu* .

Oahpahusa lágideapmi lea stuora hástalus olu báikkiin, ja nu leat mii bovden buot ášahusaid geain lea ovddasvástádus sámi oahpahussii.

Nuppi fáttá leat välljen danne go olu oahpaheaddjit vásihit ahte go oahppit jovdet bájjit dásiide, de šaddá váddáseabbo sin movttiidahttit vuoruhit sámegielfága.

Mii sávvat ahte miellahtut oidnet ávkkálažžan čoahkkanit seminárii ja kurssa oktavuodas go dehálaš oassi lea ge maid deaivvadit eará oahpaheddjiiguin ja ságastallat ja lonuhit vásáhusaid.

Sávvat bures boahtima sihke kursii ja seminárii!

Retorihkkakursa juovlamánu 4.beaivvi

Mii álgit deaivvadeami kurssain, ja dán háve leat válljen doallat retorihkkakurssa. Kursa lea juovlamánu 4. beaivvi 2014.

Retorihkka ođđa fáddá

Ođastuvvon sámeigiella vuosttašgiellan oahppoplánain lea retorihkka ođđa fáddá. Dat lea okta dain ođđa gelbbolašvuodamihttomeriin maŋnel 10. ceahki ja joatkkaskuvllas maŋnel Joa2 ja Joa3 oahppoprográmmaid.

Logaldalli: Vuosttašamanueansa

Ánde Somby, gii lea bargan olu retorihkka fáttáin juridihkkasuorggis.

Ulbmil: Ođasmahttit oahpaheddjiid máhtu retorihkas ja movt dán oahpaha sámi vuolggasajis.

Ulbmiljoavku: Nuoraid- ja joatkkaskuvllaid sámeigieloahpaheadjit. Earáide sáhtta maid heivet geat háliidit eanet oahppat retorihka birra.

Guhkkodat:

Kursa álgá dii. 09.00 ja bistá 14.00 rádjái

Diedihanáigemearri: 20.11.14

Eanet dieđut ja diediheapmi:

www.netsam.org



*” Deháleamos
gulahallamis
lea gullat dan
mii ii daddjo ”*

— Peter Drucker (jorgaluvvon dárogielas)



Per Sundnes
Govva: Nrk

Seminára juovlamánu

5.beaivvi

Juovlamánu 5. beaivvi ges doallat seminára mas digaštallat movt mii sáhttit ovttasbarggu bokte ovddidit sámi oahpahusa.

Go jo lea vuosttaš álgodeaivvadeapmi manjel fierpmádaga álggaheami, de leat válljen álgit sámi oahpahusa rámmaiguin, ja leat bovdén buot ásahusaid geat barget sámi oahpahusain.

Mii sávvat ahte šaddá eanet ovttasbargu ovddos guvlui. Beassat maid gullat oahppi vásáhusaid sámegeoloahpahasas.

Nubbi fáddán lea movt sámegeolfágii loktet árvvu, go vásihit oahppit eai oainne nu árvvu das.

Mii leat bovdén Norgga Melodi Grand Prix beakkálmasa Per Sundnes doallat movttiidahttin-logaldallama movt nuoraid sáhttá movttiidahttit ja

Seminára prográmma:

Vuosttaš oassi:

Fáddá: Maid barget iešguđet ásahusat ja movt sáhttit ovttasbargat ovddidit sámi oahpahusa?

Mihttu: *Buoret ovttasbargu sámi oahpahusa ektui*

Sáhkavuorut: Sámediggi,

Oahpahusdirektoráhtta, Davvi-Trøndelága fylkasuohkan, Davvi-Trøndelága fylkkamánni, Finnmárkku fylkkamánni, Norgga ártalaš universitehta, Sámi allaskuvla ja Sámi lohanguovddáš

Nubbi oassi

Fáddá: *Movt bargat ovddos guvlui ovddidit sámegeola oahpahusa ja movt loktet sámegeolfágas árvvu?*

Mihttu: *Oažžut inspirašuvnna ja jurdagiid movt bargat viidásit sámegeolfágain*

Logaldalli: Per Sundnes, *“Hvordan snu skuta?”*

Muđui leat joavkobarggut gos ovdanbuktit jurdagiid movt ovddos guvlui bargat.

Olles prográmma: www.netsam.org

Praktihkalaš dieđut

Kursa ja seminára lea nuvttá oasseváldiide. Oasseváldit háhket ja gokčet iežaset mátkki ja orruma.

Kursa ja seminára lea Diehtosiiddas, latnja ja ollislaš prográmma almmuhuvvo maŋnel.

Geasa

Vuosttažettiin lea dát fáladat NetSam fierpmádaga miellahtuide, fierpmádat lea sámi oahpaheddjiide, skuvlajođiheddjiide/ eaiggádiidda, studeanttaide ja eará berošteddjiide.


- Fierpmádahkii lea nuvttá searvat, buohkat geat beroštit sámi oahpahasas sáhttet searvat miellahttun ja boahtit deaivvadeapmái.

Dieđiheapmi

Dieđit ovdal **20.11.14**

Eanet dieđut , dieđiheapmi ja obbalaš prográmma lea neahttasiiddus:

www.netsam.org



Manne NetSam miellahttun?

NUVTTÁ!

Áidna
riikkaviidosáš
fierpmádat
sámi
oahpaheddjiide

Váikkuhan-
vejolašvuolta!

Kurssat
ja seminárat

Dieđut sámi
oahpahas
guoskevaš
áššiid birra

Deaivvadit
ja
juogadit
vásáhusaid



Boahte stivračoahkkin

Fierpmádaga boahte stivračoahkkin lea ođđajagimánus.

Mis leat bargočoahkkimat deaivvadeami plánema olis.

Movt sáhtát searvat fierpmádahkii?

Fierpmádat lea juste dán dihte ahte galggašii ávkin oahpaheddjiid árgabeaivvi álkidahttit. Mis lea jurdda e.e. miellahtuide lágidity ávkkálaš kurssaid, go beare oažžut ruhtadeami dasa.

Jus dus leat áššit dahje doaimmat maiguin fierpmádat galggašii bargat, váldde oktavuoda ja mital dan birra.

Háliidat go miellahtun ?

Lea nuvttá!

Jus háliidat searvat fierpmádahkii , sáddes E-boastta:

lohkanguovddas@samiskhs.no

Čális namat, bargosaji, čujuhusa, ja guđe jahkeceahkis oahpahat (jus leat oahpaheaddji).

Čállingoddi

Sámi lohanguovddáš doaimmaha Sámi oahpahusa fierpmádaga čállingotti.

Fierpmádaga neahttasiidu:

www.netsam.org.

Čuovo maddái Sámi lohanguovddáša facebook siiddu.

Oktavuoda dieđut

Jođiheaddji:

Inger Anne Gaup

Tel: 95 07 27 32

E-boasta: iagaup@online.no

Čállingoddi:

Sámi oahpahusa fierpmádat

Sámi lohanguovddáš

Hánnoluohká 45

9520 Guovdageaidnu

Oktavuodaolmmoš:

Marit Anne Bongo

Tel: 78 44 86 21

E-boasta: lohkanguovddas@samiskhs.no

www.netsam.org